

Akan bertindak positif pastikan tidak siapa merompaknya

Bahan asal dari Arkib  
Negara Malaysia

# HAK MUTLAK

ARAB NEGARA

# CINA: SIKAP MCA

**KUALA LUMPUR, Sabtu.—**Pergerakan Pemuda MCA akan bertindak positif bagi memastikan tidak siapa yang akan merompak hak mutlak masyarakat Cina.

Ketua Pergerakan tersebut, Datuk Lee Kim Sai, menegaskan Pemuda MCA tidak akan bertolak ansur atau berunding untuk mempertahankan hak mutlak masyarakat Cina sejajar dengan Perlembagaan Negara.

"Pemuda MCA adalah serius dan berazam usaha kita tidak akan hampa. Jika kita berazam, tentu kita berhasil," tegas beliau ketika berucap di Perhimpunan Agung Pemuda MCA.

Datuk Lee mengalu-alukan kempen khas untuk menarik lebih ramai

pemuda berusia antara 18 hingga 25 tahun menyertai parti.

Datuk Lee berkata, Pemuda MCA perlu menumpukan perhatian terhadap misi politik baru parti.

Katanya, MCA sedang memperkenalkan reformasi mental untuk menyedarkan masyarakat Cina.

"Dewan Peniaga Cina, Persatuan Murid-murid Tua Sekolah Cina kini menghadapi perubahan, dari perubahan biasa kepada perubahan pesat dan dari perubahan kuantiti kepada kualiti," tegasnya.

Datuk Lee menegaskan, kini MCA dalam peringkat reformasi dan modenisasi setelah berjaya mendapat mandat besar dari pengundi Cina dalam pilihanraya umum April lalu.

"Ini adalah permulaan dalam menembusi mandat politik masyarakat Cina.

"Ini tidak bermakna kita menentang saudara Melayu kita. Tetapi, sebaliknya, kita menoleng membangunkan negara," tegas beliau.

Ketua Pemuda MCA menganggap mandat yang diterima itu amat berat menan-

dangkan misi yang dibawa itu ialah menubuhkan organisasi parti yang kukuh, membetulkan mental dan pemikiran ahli-ahli parti.

Beliau menambah, empat misi selepas pilihanraya ini ialah politik, ekonomi, kebudayaan dan pelajaran.

Oleh itu, tegas beliau, dari hari ini parti dan Pergerakan Pemuda MCA akan menumpukan perhatian pada tanggungjawab politik bagi menggajikan ahli pimpinan bertanggungjawab, menggalakkan penilaian dan mengkritik diri sendiri.

Katanya, tidak ada gunanya kita bercakap mengenai masalah lain yang jauh, jika masalah berdekatan tidak dipedulikan.

Datuk Lee juga memuji pimpinan 2M (Mahathir dan Musa) di samping mengalu-alukan Dasar Pandang Timur Kerajaan (DPTK).

Namun demikian, katanya, meskipun DPTK itu penting, Pemuda MCA mesti mempelajari dari UMNO bagaimana resolusi Perhimpunan Agungnya sentiasa dapat dilaksanakan.